



Broj: 15-03-16-5-74-33/22

Datum: 17.1.2023. godine

Na osnovu člana 61. Zakona o upravi („Službeni glasnik BiH“, br. 32/02, 102/09 i 72/17), člana 70. stav (1) Zakona o javnim nabavkama („Službeni glasnik BiH“, br. 39/14 i 59/22) i člana 19. Zakona o Agenciji za identifikaciona dokumenta, evidenciju i razmjenu podataka Bosne i Hercegovine („Službeni glasnik BiH“, broj 56/08), direktor Agencije za identifikaciona dokumenta, evidenciju i razmjenu podataka Bosne i Hercegovine donosi

O D L U K U o izboru najpovoljnijeg ponuđača

Član 1.

Najpovoljniji ponuđač u postupku javne nabavke **usluga osiguranja motornih vozila**, objavljen na Portalu javnih nabavki Bosne i Hercegovine, broj Obavještenja o nabavci 1110-1-2-88-3-115/22 od 8.12.2022. godine, koji je proveden otvorenim postupkom, je **DRINA OSIGURANJE a.d. Milići**.

Član 2.

Ova odluka se dostavlja ponuđačima u roku od tri (3) dana, a najkasnije u roku od sedam (7) dana od dana donošenja.

Član 3.

Ova odluka stupa na snagu danom njene objave na *web* stranici Agencije za identifikaciona dokumenta, evidenciju i razmjenu podataka Bosne i Hercegovine.

O b r a z l o ž e n j e

U skladu sa Tenderskom dokumentacijom i Obavještenjem o nabavci, Komisija za provođenje postupka javne nabavke usluga osiguranja motornih vozila je konstatovala da je rok za prijem ponuda 29.12.2022. godine do 10:00 sati i da je do navedenog roka na protokol Agencije za identifikaciona dokumenta, evidenciju i razmjenu podataka Bosne i Hercegovine (u daljem tekstu: Agencija) pristiglo šest (6) ponuda i to ponuđača: DRINA OSIGURANJE a.d. Milići, SARAJEVO OSIGURANJE d.d. Sarajevo, WIENER OSIGURANJE a.d. Banja Luka, EUROHERC OSIGURANJE d.d. Filijala Banja Luka, GRAWE OSIGURANJE a.d. Banja Luka i OSIGURANJE AURA a.d. Banjaluka. Neblagovremenih ponuda nije bilo.

Komisija je prema specifikaciji navedenoj u Tenderskoj dokumentaciji, a nakon provedenog postupka analize i ocjene ponuda, izradila Zapisnik o pregledu i ocjeni ponuda, u kojem su detaljno obrazloženi razlozi za izbor najpovoljnijeg ponuđača.



Zapisnički je utvrđeno da je prilikom provjere računske ispravnosti cijena Komisija kod dvije ponude utvrdila računske greške, te su ponuđačima EUROHERC OSIGURANJE d.d. Filijala Banjaluka i GRAWE OSIGURANJE a.d. Banjaluka od strane Agencije upućeni zahtjevi od 4.1.2023. godine za prihvatanje ispravki. Agencija je dana 5.1.2023. godine zaprimila odgovor od ponuđača EUROHERC OSIGURANJE d.d. Filijala Banjaluka da prihvata ispravku računskih grešaka, dok ponuđač GRAWE OSIGURANJE a.d. Banjaluka nije odgovorio na zahtjev Agencije te ponuda ovog ponuđača nije uzeta u dalje razmatranje jer se ista odbačena u skladu sa tačkom 6.13. e) Tenderske dokumentacije i članom 68. stav (4) tačka g) Zakona o javnim nabavkama („Službeni glasnik BiH“, br. 39/14 i 59/22).

Nakon analize i ocjene ponuda, u postupku javne nabavke usluga osiguranja motornih vozila sa kriterijumom ekonomski najpovoljnija ponuda, Komisija je utvrdila da je najpovoljnija ponuda ponuđača Drina osiguranje a.d. Milići, sa ukupnom cijenom od **15.884,48 KM bez PDV-a i ponuđenim rokom isplate štete od jednog (1) dana**, te s obzirom da ista u ekonomskom i tehničkom smislu u potpunosti zadovoljava zahtjeve Agencije, Komisija je dala preporuku da se donese odluka o izboru ovog ponuđača za najpovoljnijeg.

Na osnovu prijedloga Komisije, odlučeno je kao u dispozitivu ove odluke.

Pouka o pravnom lijeku: Protiv ove odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja Agencije, a što se u žalbi navodi kao povreda zakona i podzakonskih akata od strane ugovornog organa u postupku javne nabavke. Žalba se izjavljuje u roku od deset (10) dana od dana prijema ove odluke. Žalilac izjavljuje žalbu Kancelariji za razmatranje žalbi Bosne i Hercegovine putem Agencije, u pisanoj formi direktno ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri (3).



DIREKTOR

Dr. sc. Arif Nanić

Signed by: ANANIC

дигитално потписано / digitalno potpisano / digitally signed